

Headline	Wanita HIV edar dadah dijatuhi hukuman gantung		
MediaTitle	Sinar Harian (Utara)		
Date	09 Nov 2011	Color	Full Color
Section	NEWS	Circulation	60,000
Page No	u2	Readership	
Language	Malay	ArticleSize	205 cm ²
Journalist	N/A	AdValue	RM 1,127
Frequency	Daily	PR Value	RM 3,381



Wanita HIV edar dadah dijatuhi hukuman gantung

GEORGETOWN - Seorang wanita warga Zambia dijatuhi hukuman gantung sampai mati setelah didapati bersalah mengedar dadah jenis methamphetamine seberat 770.2 gram di Balai Ketibaan Lapangan Terbang Antarabangsa Bayan Lepas (LIA BL) tahun lalu.

Pesuruhjaya Kehakiman, Mohd Amin Firdaus Abdullah membuat keputusan itu selepas berpuas hati pihak pendakwaan berjaya membuktikan kes tanpa keraguan munasabah terhadap Mailesi Phiri, 34 tahun.

Ketika membacakan penghakiman ringkasnya, Mohd Amin menolak keterangan tertuduh bahawa dia tidak tahu mengenai dadah yang disimpan dalam beg berkenaan kerana diberikan oleh adik-temannya

lelakinya selepas melihat begnya yang buruk dan koyak.

Beliau berkata, mahkamah tidak menerima keterangan berkenaan kerana tertuduh tidak patut bersikap naif disebabkan sebelum ini dia pernah ke Pakistan dan Malaysia sebanyak dua kali.

"Jika terdapat apa-apa hukuman lain, ia akan dipertimbangkan. Tetapi malangnya, kesalahan ini hanya membawa hukuman mati mandatori," katanya.

Mailesi, seorang penghidap HIV didakwa mengikut Seksyen 39(B) Akta Dadah Berbahaya 1952.

Tertuduh diwakili S Yagoo dan pendakwaan dikendalikan oleh Timbalan Pendakwa Raya Jabatan Kastam Diraja Malaysia, Nur Sarah Dina Baharuddin.



Mailesi menangis ketika dibawa keluar dari mahkamah.